

Sao Paulo, 2007ko abuztuak 12

9an heldu ginen Mst-ko aterpera, 18 miloi biztanleko hiri batean, ez zan gauza erreza izan kale ilun bateko eta inolako indikaziorik gabeko 136 zenbakia topatzea.

Sao Paulo, 2007ko abuztuak 12

9an heldu ginen Mst-ko aterpera, 18 miloi biztanleko hiri batean, ez zan gauza erreza izan kale ilun bateko eta inolako indikaziorik gabeko 136 zenbakia topatzea.

Mst-ko aterpeak antolamendu borobila dauka. bertatik egunero mugimenduko kide ezberdinak pasatzen dira. 3 bat pertsonen artean mantenuaz arduratzen dira; sukaldaria, garbitzailea eta Miltinho, kordinazioaz okupatzen den tipo jator bat.

Hurrengo egunean, Geraldorekin bildu ginen (Mst-ko nazioarteko harremanen arduraduna). Brigadaren nondik-norakoak zehaztu ostean, Mst-ko antolamenduari buruzko hitzaldi bat eman zigun.

Abuztuak 11an, Guarareman izan ginen, Mst-ko Florestan Fernandes Eskola Nazionala bisitatzen, Valentziako beste 7 brigadistekin bat.

Eguna borobila izan zen. Hango egiteko moduarekin erabat flipatu genuen, autogestioan guztiz oinarritutako funtzionamendua erakusten duen formazio eskola. Adibide bat jartzearen, instalazioak Mst-ko kide zein ikasleen artean egindakoak dira. Mantenua ere eurek egiten dute, klaseekin tartekatuz. Eskolako lurren erosketak Saramagok idatzitako "Terra" liburuarekin lortutako etekinekin finantziatuta egon zelarik. Eskola honen eraikuntza bera formazio ekintza bat izan da han parte hartu zuten kideentzako, eraikuntza teknika hauek gero haien asentamentuetan aplikatu ahal izan baituzte. Teknika honen bitxikerietako bat, adreiluak egiteko era da; prentsa baten bidez, bertako lurrarekin egindakoak baitira.

Eskola honetako ekintzarik garrantzitsuenetako bat kurtso pedagogikoena da. Hauek ez dira finkoak, mugimentuak momentuan dituen beharren arabera antolatutakoak baizik. Une honetan bi kurtso ziren martxan: bata geografia eta bestea latinoamerikako teoria politikari buruzkoa. Azken honetan Amerikar kontinente osoko kideak ziren bildurik (90 pertsona inguru).

Eraikinen inguruetan landaketak zeuden; bertan autokontsumorako elikagaiak, zein beste lurraldeetara eramateko haziak ere ateratzen dituzte. Zer esanik ez, landaketa hauetan guztiek parte hartzen dute.

Abuztuak 12an, brigadaren ibilbidea zehaztu dugu. Bi taldeetan banatuko gara, Santa Katarina eta Paranako asentamentu ezberdinak bisitatzeko asmoz.

Mugimendu honen oinarriak ezagutzeko irrikitan... gure bidaia hastera goaz.

Agur bero bat.